

Na osnovu člana 25. Statuta Općine Stari Grad Sarajevo – Prečišćeni tekst („Službene novine Kantona Sarajevo", broj 20/13) i člana 83. stav (1) i člana 85. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14), Općinsko vijeće Stari Grad Sarajevo, na sjednici održanoj 26.01. 2017. godina, usvojilo je

(Nacrt)

PRAVILNIK

o dodjeli sredstava iz Fonda za oboljele od Celijakije i drugih bolesti organizma na netoleranciju na gluten.

Član 1.

(Predmet Pravilnika)

Ovim Pravilnikom uređuje se način dokazivanja ispunjavanja kriterija i uslova, postupak dodjele sredstava i potpora, način određivanja visine sredstava, kao i druga pitanja od značaja za dodjelu sredstava iz Fonda za oboljele od Celijakije i drugih bolesti organizma na netoleranciju na gluten (u daljem tekstu Fond).

Član 2.

(Aktivnosti finansirane iz Fonda)

Ovim grantom se osigurava pomoć za osobe oboljele od Celijakije i drugih bolesti organizma na netoleranciju na gluten.

Član 3.

(Pravo na korištenje sredstava Fonda)

Sva fizička lica, koja imaju prebivalište na području Općine Stari Grad Sarajevo i koja su oboljela od celijakije i drugih bolesti organizma zbog kojeg je potrebna bezglutenska ishrana, imaju pravo na ostvarivanje pomoći iz Fonda.

Član 4.

(Iznos sredstava iz Fonda)

Maksimalni iznos nepovratnih sredstava u jednoj godini, za jednu osobu iznosi do 500,00KM

Član 5.

(Neophodni dokumenti za prijavu)

(1) Uz prijavu neophodno je da se prilože sljedeći dokumenti (orginali ili ovjerene kopije):

1. Izvod iz matične knjige rođenih
2. Cips prijava o mjestu prebivališta (ne starija od 6 mjeseci)
3. Uvjerenje o državljanstvu
4. Dokaz i nalazi koji potvrđuju da osoba boluje od celijakije ili drugog oboljenja zbog kojeg mora koristiti bezglutensku ishranu

5. Potvrda Udruženja oboljelih od celijakije Kantona Sarajevo, kojom se potvrđuje da je pojedinac član navedenog udruženja .

Član 6.
(Dostavljanje zahtjeva i dokumentacije)

(1) Zahtjev za dodjelu sredstava iz ovog Fonda podnosi se službi za boračko-invalidsku i socijalnu zaštitu.

(2) Navedenu dokumentaciju fizička lica dostavljaju na Protokol Općine Stari Grad, sa naznakom „n/p Služba za boračko-invalidsku i socijalnu zaštitu - Zahtjev za dodjelu sredstava iz Fonda za oboljele od Celijakije i drugih bolesti organizma na netoleranciju na gluten“.

Član 7.
(Odobrenje sredstava)

Nakon stručne obrade zahtjeva iz člana 6. ovog Pravilnika od strane Službe za boračko-invalidsku i socijalnu zaštitu, odluku o odobrenju zahtjeva potpisuje Općinski načelnik.

Član 8.
(Upoznavanje javnosti)

Služba za boračko-invalidsku i socijalnu zaštitu je dužna u roku od 30 dana od dana usvajanja ovog Pravilnika sa istim upoznati Udruženje oboljelih od celijakije Kantona Sarajevo.

Član 9.
(Stupanje na snagu)

Ova Odluka stupa na snagu osmi dan od dana objavljivanja u "Službenim novinama Kantona Sarajevo".

**PREDSJEDAVAJUĆI
OPĆINSKOG VIJEĆA STARI GRAD
SARAJEVO**

mr.sci. Jusuf Pušina

Broj:02-49-
Januar, 2017. godine
Sarajevo

OBRAZLOŽENJE

I- PRAVNI OSNOV

Pravni osnov za donošenje ovog Pravilnika sadržan je u preambuli teksta. Općina Stari Grad Sarajevo, u skladu sa Zakonom o principima lokalne samouprave FBiH, i Statutom Općine Stari Grad Sarajevo, je nadležna za provođenje projekata iz oblasti socijalne zaštite i pomoći stanovništvu. (Član 10. stav 3. Statuta Općine Stari Grad Sarajevo)

II- RAZLOZI DONOŠENJA

U 2016. godinu su ostavljena sredstva za Fond ali nikada nisu iskorištena zbog nedonošenja Pravilnika zbog čega smatramo da je potrebno konačno usvajanje istog kako bi se otklonile administrativne prepreke za korištenje sredstava.

Osobe koje boluju od bolesti obuhvaćenih ovim Pravilnikom imaju povećane troškove života za osnovne namirnice, zbog čega Općina želi subvencionirati troškove nabavke osnovnih namirnica za navedene osobe.

Federacija BiH nije sistemski riješila problem oboljelih osoba, za razliku od RS-a i Brčko distrikta, zbog čega je potrebna pomoć lokalne zajednice

III- OBJAŠNJENJE POJEDINIH ODREDBI

Ovim Pravilnikom propisano je koje osobe imaju pravo na ostvarivanje pomoći iz Fonda za osobe oboljele od Celijakije i drugih bolesti organizma na netoleranciju na gluten.

Također je definisano da jedna osoba ne može dobiti više od 500KM pomoći na godišnjem nivou, a da se zahtjev za pomoć podnosi Službi za boračko-invalidsku i socijalnu zaštitu Općine Stari Grad Sarajevo koja nakon obrade zahtjeva iste prosljeđuje Općinskom načelniku.

Ovim pravilnikom je propisana i potrebna dokumentacija koja se podnosi uz zahtjev, kao i obaveza Općine da, sa ovim Pravilnikom upozna Udruženje osoba oboljelih od celijakije u Kantonu Sarajevo.

IV- POTREBNA FINACIJSKA SREDSTVA

Sredstva za realizaciju ovog Pravilnika su planirana u Budžetu Općine Stari Grad Sarajevo za 2017.godinu.

Predlagač i stručna obrada:
Vijećnica Anisa Bašović- Klub vijećnika SDP BiH

Broj: 02-49-

Datum: 26.01.2017. godine.

U skladu sa članom 89. i 93. stav 2. i člana 96. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14), na 21. sjednici Općinskog vijeća Stari Grad Sarajevo, održanoj 02.10.2014. godine, nakon razmatranja tačaka dnevnog reda :

- Nacrt Pravilnika o dodjeli sredstava iz fonda za oboljele od celijakije i drugih bolesti organizma na netoleranciju na gluten,

čiji tekst je predložila i stručnu obradu izvršila vijećnica Anisa Bašović – klub vijećnika SDP BiH, usvojen je sljedeći

ZAKLJUČAK

1. Općinsko Vijeće Stari Grad Sarajevo je **utvrdilo Nacrt Pravilnika o dodjeli sredstava iz fonda za oboljele od celijakije i drugih bolesti organizma na netoleranciju na gluten,**

2. Nacrt Pravilnika se upućuju na javnu raspravu koja će trajati _____ dana.

Subjekti javne rasprave su:

Općinsko Vijeće i njegova radna tijela, političke stranke, odnosno klubovi vijećnika, Općinski Načelnik, te građani Općine Stari Grad Sarajevo;

3. **Nacrt Pravilnika o dodjeli sredstava iz fonda za oboljele od celijakije i drugih bolesti organizma na netoleranciju na gluten,** će biti objavljen na WEB stranici Općine Stari Grad Sarajevo, www.starigrad.ba.

4. Prijedloge i sugestije, sa javne rasprave, potrebno je dostaviti, u pisanoj formi lično, u Stručnu službu Općinskog vijeća, svakim radnim danom od 9,00 do 12,00 sati ili putem e-mail adrese: vijece@starigrad.ba.

5. Nakon sumiranja rezultata javne rasprave o **Nacrtu Pravilnika o dodjeli sredstava iz fonda za oboljele od celijakije i drugih bolesti organizma na netoleranciju na gluten,** te nakon razmotranja svih eventualnih sugestija i prijedloga učesnika javne rasprave, tekst Pravilnika će biti pripremljen i upućen Općinskom vijeću na razmatranje i usvajanje.

**PREDSJEDAVAJUĆI
OPĆINSKOG VIJEĆA STARI GRAD
SARAJEVO**

mr.sc. Jusuf Pušina